

## **Դպրոցական կյանքի կազմակերպումը**

Որպեսզի Ձեր երեխան հաջողությունների հասնի ուսման մեջ և դառնա քաղաքացի, Դուք միայնակ չեք լինի:

Տարրական դպրոցում տնօրենը դպրոցի պատասխանատուն է:

Ձեր երեխան միայն մեկ ուսուցիչ կամ ուսուցչուհի ունի, ում հետ Դուք կարող եք կապի մեջ լինել տեղեկանալու երեխայի մասին:

Մասնակապարտեզում կան մասնակապարտեզների մասնագիտացված տարածքային անդամներ (ATSEM), ովքեր օգնում են երեխաներին օրվա տարբեր պահերին:

Քոլեջում հաստատության պատասխանատուն տնօրենն է:

Շենքերը շատ մեծ են, կան շատ աշակերտներ և շատ անձինք, ովքեր աշխատում են այնտեղ:

Ձեր երեխան ունի տարբեր դասավանդողներ ըստ առարկաների: Եվ հենց դասղեկի հետ է, որ կարող եք հարցեր քննարկել Ձեր երեխայի աշխատանքների և վարքագծի մասին: Նա կարող է նաև հանդիպում կազմակերպել անձնակազմի այլ անդամների հետ: Օրինակ

- **Կրթության հարցերով զբաղվող խորհրդակցանի հետ**, ով հետևում է երեխաների արտադասարանական ժամերին,
- **Տվյալ հաստատության հոգեբանի հետ**, ով կարող է Ձեր երեխային որոշակի օգնություն ցուցաբերել կամ խորհուրդներ տալ դասերի ընտրության հարցում,
- **Սոցիալական հարցերով զբաղվող անձի հետ**, եթե առկա լինեն ընտանեկան կամ ֆինանսական խնդիրներ
- **Բուժքրոջ հետ**, ում հետ Դուք կարող եք կապի մեջ լինել առողջական հարցերով և
- **Ղեկավարության և տնտեսվարի հետ** գրանցման և ուսման վարձերի հետ կապված հարցերի դեպքում:

Լիցեյում պատասխանատուն տնօրենն է:

Այստեղ աշխատում է նույն անձնակազմը, ինչ քոլեջում:

Հաշմանդամ երեխաների համար հատուկ մասնագիտացված անձինք են աշխատում, ովքեր ուղեկցում են երեխային ողջ ուսման ընթացքում:

Դպրոցում Ձեր երեխան հնարավորություն ունի սովելու բուֆետում կամ դպրոցական ճաշարանում:

Որոշ քոլեջներում և լիցեյներում երեխաները հնարավորություն ունեն մնալ և քնել կացարանում:

Կան այնպիսի վայրեր, որոնք նույնպես շատ կարևոր են Ձեր երեխայի համար: Դրանցից են

Թղթաբանության և տեղեկատվության կենտրոնները և գրասենյակները, որտեղ նա կարող է ընթերցել և հետազոտություններ անել,

Հերթապահության սրահները՝ առաջադրանքները կատարելու համար,

Սոցիալ-կրթական օջախները, լիցեյի ուսանողների կացարանը, նկարչության, երաժշտության, սպորտային ակումբները:

Ձեր երեխայի աշխատանքի ռիթմը փոփոխվում է քոլեջից լիցեյ անցնելուն համընթաց: Նա ավելի շատ կրնա ընթերցի, ավելի շատ դասեր և առաջադրանքներ կունենա: Նրա գրքերը և տետրերը պետք է դասավորվեն ըստ դասացուցակի: Նա որանք կարող է դասավորել անձնական թղթապանակի մեջ:

Դպրոցը կյանքի հարթակ է: Անձանց միջև հարաբերությունները կարգավորելու համար գոյություն ունի հատուկ ներքին կանոնակարգ, որը հստակեցնում է, թե ինչն է թույլատրվում և արգելվում, սահմանում է հաստատության ժամերը և անվտանգության կանոնները:

Գոյություն ունի աշխարհիկ կանոնադրություն, որը սովորեցնում է երեխաներին ավելի լավ միասին ապրել, կիսել Հանրապետության արժեքները, ինչպես խոսքի ազատությունն է կամ աղջիկների և տղաների հավասարությունը:

Ձեր երեխան կարող է մասնակցել դպրոցական կյանքին, նա կարող է ներկայացնել իր ընկերներին, աշակերտների կյանքի բարելավման, դպրոցական ճաշարանի և դպրոցական զբոսանքների վերաբերյալ առաջարկություններ անել: Նա կարող է նաև մասնակցել էկոլոգիային կամ համերաշխությանը նվիրված միջոցառումներին:

Անկախ այն բանից, թե Դուք ֆրանսիացի եք թե օտարերկրացի, կարող եք մասնակցել ծնողների ընտրության քվեարկությանը, ովքեր ձեզ կներկայացնեն Խորհրդում: Դուք ինքներդ էլ կարող եք ընտրվել որպես խորհրդի անդամ: Մասնակցելով Խորհրդին դուք որոշումներ եք կայացնում դպրոցական կյանքի վերաբերյալ:

Եվ որպես ծնող կարևոր է հանդիպել դասավանդողների հետ Ձեր երեխայի մասին քննարկելու համար: Դուք կարող եք նաև տեղեկատվություն ձեռք բերել համացանցի միջոցով, քանզի հաստատությունները տրամադրում են նաև թվային հարթակ, որտեղ կտեղեկանաք Ձեր երեխայի առաջադրանքներ, գնահատականների, դասաժամերից բացակայությունների մասին և այլն:

Այսպիսով, հետևելով Ձեր երեխայի ուսուցմանը, Դուք մասնակցում եք նրա հաջողություններին և բարեկեցությանը: